

FM 2016/54: UKA2016-mi Naalackersuisut kalaallinut inuiaqatigiinnut attuumassuteqarnermut inatsisit malittarisassat pillugit nassuiaammik agguasseqqullugit qanorlu ataasiakkaarlutik tulluunnerannut nalilersueqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Nassuiaammi nalilerneqassaaq, innuttaasut pisortanut attaveqartarnerat oqilisarneqarsinnaanersoq kinaassutsimut uppernarsaat, nuna tamakkerlugu atuuttussaq atorneqalersuuppat.

Pillugu

siunnersuutip aappassaaneerpeqarnerani

Inatsisinut Ataatsimiititaliap

ISUMALIUTISSIISUTAA

Suliarinninnermini Inatsisinut Ataatsimiititaliap inuttarai:

Inatsisartunut ilaasortaq Anders Olsen, Siumut, Siulittaasoq
Inatsisartunut ilaasortaq Iddimanggiu Bianco, Inuit Ataqtigiit, Siulittaasup tullia
Inatsisartunut ilaasortaq Michael Rosing, Demokraatit
Inatsisartunut ilaasortaq Laura Tàunâjik, Siumut
Inatsisartunut ilaasortaq Múte B Egede, Inuit Ataqtigiit

1. Siunnersuut tunuliaqutaalu pillugit

Naalackersuisut nassuiaammik suliaqarnissamik pisussaaffilerneqarnissaat siunnersuuteqartumit kissaatigineqarpoq. Nassuiaatip siullertut nunatsinni inuiaqatigiinnut attuumassuteqarsinnaanermut piunasaqaatit pillugit inatsimmi malittarisassat nassuiaateqarfigissavai, taakkulu ataasiakkaanut qanoq sunniuteqarnerat pillugu nalilersuilluni. Nassuiaallu taakku tunngavigalugit nalilersuissaaq nunami namminermi kinaassutsimut allagartamik eqqussinikkut innuttaasut pisortanut attaveqarnerat pisariillisarneqarsinnaanersoq.

Siunnersuuteqartup siunnersuumminut tunngavilersuutimini oqaatigaa qanoq ilinerani inuiaqatigiinnut tamakkiisumik ilannguttoqarsinnaanersoq paasissallugu imaannaanngissinnaasoq, tamanna allat naligalugit pisinnaatitaaffeqluni. Tamatumunnga pissutaavoq nunatsinni inatsisini nalunaarutinilu pisinnaatitaaffiit (ilaannilu pisussaaffiit) pillugit aalajangersakkani 50-init amerlanerusunit piunasaqaataammat aalajangersakkami pineqartumi erseqqinnerusumik nassuiaatigineqartumik Kalaallit Nunaannut attuumassuteqarnissamik piunasaqaateqarneq. Attuumassuteqarnissamik piunasaqaat allanngorarpoq. Pisinnaatitaaffiit ilaat kikkut tamarmik nunami maani najugaqavissut pisinnaatitaaffigaat. Pisinnaatitaaffiilli ilaat aatsaat ukiuni aalajangersimasumik amerlassusilinni najugaqaqqaarluni anguneqarsinnaapput.

Siunnersuuteqartup tassunga atatillugu erseqqissaatigaa, ilimagisariaqartoq innuttaasut nunami allami piffissami qanoq sivistigigaluarnersumi najugaqareerlutik nunatsinnut uteqqittut pisinnaatitaaffitik pisussaaffitillu pillugit erseqqissumik paasisaqarsinnaanerannut siunnersuut pisariillisaataassasoq. Tamatuma nunatsinnut uteqqinnissaq kajungernerulersissavaa, suliffeqarfiillu namminersortut kalaallinik pikkorissunik nunat tamalaat akornanni misilittagaqartunik qammaasinnaanerannut pisariillisaataalluni.

Inatsisinut Ataatsimiititaliap aamma maluginiarpa siunnersuuteqartup siusinnerusukku § 37 tunngavigalugu apeqquteqaatikkut¹ Naalakkersuisut qinnuigisimagai inatsisini ullumikkut atuuttuni najugaqarnissaq attuumassuteqarnissarlu/lluunniit pillugu piunasaqaatit assigiinngitsut qassiunersut paasissutissiissutigequllugu, paasissutissallu taakku nalunaarsoqullugit.

Siunnersuuteqartup § 37 tunngavigalugu apeqquteqaammi aallaqqaataani ilaatigut allappaa:

” Kissaateqarninnut pissutaavoq Inatsisartunut siunnersuuteqalersaarnera kalaaliunermut ilisarnaammik allagartaqalernissatsinnut, ersarissumik nassuiaaserlugu, nunami maani najugaqartugut. Kalaallit ilisarnaataannik peqaraanni taava pisinnaatitaaffiit tamarmik pineqarsinnaalissapput..

Kalaaliunermut ilisarnaatip taamaasilluni allaffissornersuaq millisassavaa qularnaarlugulu innuttaasut assigiimmik pineqalernissaat. Ilisarnaatip ataasiakkaanut allaffinnullu ajornaanerulersissavaa takussallugu kina qinersinnaatitaanersoq, kiap qitornani meeqqerivinnut allatsissinnaaneraa, kina piniarnermut allagartartaarsinnaanersoq il.il.”

¹ § 37 tunngavigalugu apeqquteqaat nr. 2014/95

Tamanna tungavigalugu Inatsisinut Ataatsimiititaliaq imatut paasinnippoq, tassa siunnersuummik pingaarnertut siunertaasoq misissussallugu ajornannginnersoq / pitsaasusinnaanersoq Kalaallit Nunaanni inatsisini attuumassuteqarnissaq pillugu piumasaqaatit assigiinngitsorpassuit imminnut naapertuussarnissaat.

2. Naalackersuisut allannguutissatut siunnersuutaat

Naalackersuisut akissuteqaatiminni paasissutissiissutigaaq digitalinngorsaanermut periusissiaq nutaaq piareersarneqartoq. Periusissiaq pineqartoq ilaatigut kinaassutsip digitaliusumik nalunaarsorneqarneranik imaqassaaq. Naalackersuisut - siunnersuutip siunertaanut tunngaviatigut tapersiisut - kinaassutsip digitaliusumik nalunaarsorneqarnerata kinaassutsimut allagartamik tapertalerneqarsinnaanera periarfissatut isigivaat, tamatuma suleriaatsinik assigiissaarinissaq pisariillisassavaa peqatigisaanillu isumannaallisaanikkut pitsanngorsaataalluni.

Naalackersuisut tamanna tunngavigalugu allannguutissatut siunnersuummik saqqummiussippot:

” Digitaliseeriinermut periusissiami aggersumi, nuna tamakkerlugu kinaassutsimut allagartamik, innuttaasut nunamut qanoq attuumassuteqarneranik ersarissaasussamik, atulersitsisinnaaneq Naalackersuisunut suliareqquneqassasoq Inatsisartut aalajangiiffigisassaattut siunnersuut.”

3. Inatsisinut Ataatsimiititaliap isumaliutai

3.1. Nassuiaatip imarisasaanut piumasaqaat pillugu

Oqaatigineqartutut nassuiaatip Kalaallit Nunaanni inuiaqatigiinnut attuumassuteqarnissamut piumasaqaatit pillugit inatsisiliat nalilersuiffigissavai, attuumassuteqarnissamullu piumasaqaatit ataasiakkaat (taakkua sapinngisamik imminnut naapertuuttuutinnissaat siunertaralugu) nalilersorlugit.

Tamanna tunngavigalugu nassuiaatip nalilersussavaa nunami namminermi atuuttumik kinaassutsimut allagartamik pilersitsinikkut innuttaasut pisortanut attaveqarnerat pisariillisarneqarsinnaanersoq.

Siullermeerinninnermi kaammattuutigineqarpoq nassuiaammik suliaqarnermut atatillugu nunanit affarlerisatsinnit nunami namminermi kinaassutsimut allagartat, taakkuninngalu atuinermi misilittakkat pillugit paasissutissanik pissarsiniartoqassasoq. Inatsisinut Ataatsimiititaliap kaammattuut taanna tapersorsorpa.

Tamatuma saniatigut nunami namminermi kinaassutsimut allagartamik eqqussisinnaanermi aningaasartuutaasussat qulaajaavigineqarnissaannut pisariaqartitsisoqassaaq. Ataaniittoq takuuk.

3.2. Nunami namminermi kinaassutsimut allagartamik atuilernerup qanoq akeqar-nissaa pillugu

Nunami namminermi kinaassutsimut allagartamik atuilerneqarnerata qanoq akeqarnissaa pillugu Naalakkersuisut 2004²-mi imatut paasissutissiipput:

” Naalakkersuisut suliffeqarfimmit XponCARD-mit neqeroorummik pissarsiniarsimapput.

Suliffeqarfik XponCard ilaatigut danskit biilersinnaanermut il.il. allagartaannik aamma napparsimalersinnaanermut qularnaveeqqummut uppersaatitnik suliaqartartuuvoq, nunanilu avannarlerni plastikiniq allagartanik suliaqartartut anginerpaartaralugu.

XponCard apriliip aallaqqaataani 2004-mi nalunaaruteqarpoq, allagartaq ataaseq 6,63 kr.-niit 50,00 kr.-inut akeqarsinnaasoq, allagartami paasissutissat qanoq annertutiginissaat apeqqutaalluni.

Akigititaaq momsartaqanngilaq, ikinnerpaamillu allagartat 50.000-it suliarineqarnissaat piunasaqaataalluni kiisalu XponCard-imut paasissutissat assillu qarasaasiakkut attaveqaatitigut isumannaallisakkamik nassiunneqartarnissaat.

Kalaallit Nunaanni innuttaasunut 55.000-it missaaniittunut allagartat kinaassutsimut uppersaatit naqinneqarnissaat taamaalilluni 364.650,00 kr.-nit 2.750,000,00 kr.-it akornanni akeqassaaq, apeqqutaalluni allagartaq sorleq piniarneqarnera.

Tassunga ilanngunneqassapput kinaassutsimut uppersaatip atuutilernerani kiisalu allaffissornikkut suliarineqarnerani Namminersornerullutik Oqartussat allaffissornikkut aningaasartuutissaat.

² UPA 2014/127

KANUKOKA nalunaaruteqarpoq, kinaassutsimut uppernarsaatip atulersinneqarsinnaanerani allaffissornikkut aningaasartuutitut kinaassutsimut uppernarsaataasinnaasup qanoq ilusilernissaa apeqqutaangaatsiassoq, kiisalu apeqqutaassasoq allagartamut kinaassutsimut uppernarsaammut qanoq ililluni paasisutissiisoqassanersoq, aamma paasisutissat oqartussaasumut uppernarsaatinik inaarsaasussanut qanoq apuunneqartassanersut.

Kommunit inunnik nalunaarsuiffiisa innuttaasunit saaffiginnissutit aamma paasisutissat isumagissappatigit kingornatigullu qitiusumik oqartussaasunut ingerlateqqillugit, innuttaasoq ataaseq eqqarsaatigalugu piffissangaatsiaq atorneqartassaaq. Allagartap kinaassutsimut uppernarsaatip qanoq annertutiginissaa aamma allaffissornikkut periusissat ilisimaneqartinnagit, KANUKOKA-mit qanoq annertutigisumik pisariaqartitsineq naatsorsorneqarsinnaanngilaq.

KANUKOKA-p aningaasatigit atugassaqartitaanissaminut piumasaqarsinnaanini ilisimatitsissutigaa, kingusinnerusukkut kommunit allagartanik kinaassutsimut uppernarsaatinik suliaqarnermut isumaginneqataassappata.

Naalakkersuisut taamaalillutik isumaqarput, allagartat kinaassutsimut uppernarsaatit atulersinneqarpata inuiaqatigiinnit amerlaqisunik aningaasartuuteqarnissaq qularutissaanngitsoq. Allagartat kinaassutsimut uppernarsaatit naqinneqarnerinut aningaasartuutit kiisalu KANUKOKA-p aamma Namminersornerullutik Oqartussat allaffissornikkut aningaasartuutaat ataasiartaanaviannngillat. Allagartanik kinaassutsimut uppernarsaateqalernermit ataavartumik aningaasartuuteqartoqartassaaq. Ilangunneqartariaqarporlu kalaallit innuttaasut amerlasuut pas-imik pisariaqartitsisuassammata, aamma allagartat kinaassutsimut uppernarsaatit nutarterneqartariaqassammata.”

Naalakkersuisut neqeroorummik pissarsineranniit ukiut aqqaneq marluk qaangiussimasut Inatsisinut Ataatsimiititaliap paasivaa, taamaammallu akit taamanikkorniit allannguuteqarsimanissat ilimanarluinnartoq. Taamaalillutik Naalakkersuisut akit pillugit paasisutissanik nutartikkanik pissarsiniartariaqarput.

Taamatuttaaq takorloorneqarsinnaavoq kinaassutsimut ilisarnaammik digitaliusumik eqqussineq nunami namminermit kinaassutsimut allagartamik atuilersitsinermit kommunit Namminersorlutillu Oqartussat aningaasartuutissaannik annikillisaataasinnaasoq. Qanorlu-

nniit pisoqassagaluarpat allaffissornikkut aningaasartuutissat pillugit tamakkiinerusumik missingersuusiortoqarnissaa anguniarneqartariaqarpoq.

3.3. Kalaallit inatsisaanni attuumassuteqartussaanermut piumasaqaatinik naleqqussaa-neq pillugu

Oqaatigineqareersutut Inatsisinut Ataatsimiititaliap paasinninnera malillugu Kalaallit Nunaanni inatsisini attuumassuteqartussaanermut piumasaqaatinik amerlasuunik naleqqussaanissaq periarfissaqarnersoq / pitsaasuunersoq misissorneqarnissaa siunnersuummik pingaarnertut siunertaavoq.

§ 37 tunngavigalugu apeqquteqaammur nr. 2014/95-imut akissuteqaammur Naalakkersuisut paasissutissiissutigat inatsisini aalajangersakkat nalunaarutillu 50-init amerlanerusut attuumassuteqartussaanermut tunngassuteqartuusut. Akissuteqaat aalajangersakkat taakku pillugit takussutissiamik imaqarpoq. Takussutissiaq taanna isumaliutissiissummut uunga ilanngussatut ikkunneqarpoq.

Inatsisinut Ataatsimiititaliap paasivaa Naalakkersuisut § 37 tunngavigalugu apeqquteqaammur akissumminni ilaatigut imatut allassimasut:

Soorlu atuarneqarsinnaasoq, inatsisit taakku tamakkerlugit akornanni najugaqarnissamik attuumassuteqarnissamillu piumasaqaatit assigiinngillat. Aalajangersakkat pineqartuni ilusilerneru, pisut immikkut ataasiakkaarlugit immikkut ittumik tunngaveqarsorinarput.

Taamaattumik apeqqutaavoq, nuna tamakkerlugu kalaallinut kinaanermut allagartaqarnermi, ullumikkut najugaqarnermut uppernarsaat (aamma cpr/GER.nr.) atorlugit ullumikkut anguneqarsinnaasunit annerusumik angusaqartoqarsinnaanersoq.

Peqatigisaanik qanoq inuup inatsisip sorliunersulluunniit taassumalu pisinnaatitaaffiliinerata pisussaaffiliineratalu ataaniinneranut apeqqut, inatsisinut amerlanernut tunngatillugu, pisoq pineqartoq aallaavigalugu nalilersuineramik tunngaveqartariaqartoq Naalakkersuisut maluginiaqqaat.

Akilerartarnermut inatsisit eqqarsaatigalugit attuumassuteqarneq assersuutigalugu taamaallaat najugaqarsinnaanermut imaluunniit nunami najugaqarallarsinnaanermut piumasaqaat malillugu aalajangerneqarsinnaanngilaq, tassami pissutsit allat arlaqartut inuup Kalaallit Nunaannut akilerartarnikkut attuumassuteqartutut nalilerneqarneranut pingaarute-

qarsinnaammata. Tassani inatsisinik paasinneriaaseq aammalu akileraartarnermut sammisami periuseq inuup qaqugukkut Kalaallit Nunaannut akileraartussaataitaneranut aalajangiisuupput.

3.4. Nunami namminermi kinaassutsimut allagartamik eqqussinikkut innuttaasut pisortanut attaveqarnerannik pisariillisaasinnaanermut periarfissaq pillugu.

Siunnersuummik siunertaq alla pingaarutilik tassaavoq, qanoq innuttaasut pisortanut attaveqarnerisa nunami namminermi kinaassutsimut allagartamik eqqussinikkut pisariillisarneqarsinnaanerata nalilersorneqarnissaa.

Siunnersuuteqartup § 37 tunngavigalugu apeqqutigisimasaa siusinnerusukkut issuarneqartoq tunngavigalugu apeqqut isigineqassagunarpoq:

Kissaateqarninnut pissutaavoq Inatsisartunut siunnersuuteqalersaarnera kalaaliunermit ilisarnaammik allagartaqalernissatsinnut, ersarissumik nassuiaaserlugu, nunami maani najugaqartugut. Kalaallit ilisarnaataannik peqaraanni taava pisinnaatitaaffiit tamarmik pineqarsinnaalissapput.

Inatsisinut Ataatsimiititaliap tunngaviit uani pineqartut aallaavigalugit nunami namminermi kinaassutsimut allagartamik eqqussinikkut innuttaasut pisortanut attaveqarnerannik pissutsit piviusut tunngavigalugit pisariillisaasinnaaneq nalilersorsinnaanngilaa. Ataatsimiititaliap maliginiarpaa Naalakkersuisut § 37 tunngavigalugu apeqquteqaammut nr. 2014/95-imut akissuminni nangaanartoqartitsisungasut, taamaattorli aalajangiiffigisassatut siunnersuummut uunga akissuteqaamminni nunami namminermi kinaassutsimut allagartamik eqqussinerup sulianik ingerlatsinnermut pisariillisaataasinnaaneranik assigiissaarissutaasinnaaneranillu isummamut Naalakkersuisut akuersaartungasut.

Ataatsimiititaliap aamma maluginiarpaa nunami namminermi kinaassutsimut allagartamik eqqussinerup innuttaasut pisortanut attaveqarnerannut pissutsit piviusut malillugit pisariillisaataasinnaanera pillugu nalilersuinnermut kinaassutsimut uppersaammik digitaliusumik eqqussinissaq Naalakkersuisunit isumaliutigineqartoq pingaaruteqarsinnaasoq.

3.5. Nunami namminermi kinaassutsimut allagartamik eqqussinikkut iluaqusersinnaasat allat pillugit.

Kalaallit Nunaanni najugaqavissunut tamanut atuuttumik kinaassutsimut allagartamik eqqussinissaq pillugu Inatsisartuni siusinnerusukkut siunnersuuteqartoqarsimasoq³ Inatsisinut Ataatsimiititaliap maliginiarpaa.

Taamaattorli siusinnerusukkut siunnersuummik taassuminnga timmisartumik angalanermi kinaassutsimut uppersaammik (assitalimmik) pisariaqartitsineq pingaarnertut tunngavimusimavoq. Siunnersuummulli tunngavilersuutini aamma oqaatigineqarpoq allagartaq najugaq pillugu, taasisinnaatitaaneq allallu pillugit paasissutissanik imaqarsinnaasoq, peqatigisaanillu ilinniarnermut kiisalu piniarnermut allanullu uppersaatit atorsinnaalluni.

Nunami maani innuttaasut amerlasuut pasimik biilersinnaanermulluunniit allagartamik peqanngitsut Inatsisinut Ataatsimiititaliap arajutsisimangilaa. Taamaalluniunami namminermi kinaassutsimut allagartaq kinaassutsimut uppersaatit assitalittut atorsinnaassaaq, taamaallunilu sammisani assigiinngitsuni isumannaallisaneerup qaffassarneqarneranut tapertaasinnaalluni.

Tamanna timmisartumik angalanermut taamaallaat tunngatinagu⁴, aammattarli allakkerivinni assersuutugalugu poortukkanik aallernermi.

Tassunga ilanngunneqassaaq – soorlu tamanna siunnersuutip uuma siullermeerneqarnerani tikkuarneqartoq – niuertut inunnut 18-it inorlugit ukiulinnut imigassanik tupanillu pisititseqqusaannginnerat pillugu inatsisitsinni maleruagassaqarpoq.⁵ Nunami namminermi kinaa-

³ UKA2003/78 / UPA 2014/127

⁴ Air Greenlandip nittartagaani paasissutissiisutigineqarpoq ilaasut Kalaallit Nunaanni najugaqartut Kalaallit Nunaata Danmarkillu akornanni angalanermi kinaassutsimut uppersaatit uku atorsinnaagaat:

- Pas
- Biilersinnaanermut allagartaq
- CPR-imut uppersaat
- Kuisinnermi allagartaq
- Najukkamut uppersaat (Bopælsattest)
- Umiartornermut allagartaq
- ID korti europæiske Schengen Information Systemimit akuerineqarsimasoq.

⁵ Imigassanik aalakoornartortalinnik nioqquteqartarnek sassaallertarnerlu pillugit Inatsisartut inatsisaanni, § 18, imm. 1, malillugu imigassanik kimittuunik kimikitsunilluunniit inunnut 18-inik ukioqalersimangitsunut nioqquteqarnek sassaallernerluunniit inertequtaavoq. Soorluttaaq § 18, imm. 4, malillugu akuersissummik piginnittup aamma nioqquteqarnermut sassaallernernulluunniit akisussaasup inuup ilumut 18-inik ukioqalereersimaneranut uppersaatissat pisariaqartunik pissarsiariniarnissaat akisussaaffigaat.

Taamatuttaaq tupa avatangiisinillu tupatorfiunngitsunik isumannaarineq, kiisalu tupanik nioqqutissat nalunaaqutserneqartarneri pillugit Inatsisartut peqqussutaanni § 8, imm. 1, malillugu inunnut 18-it inorlugit ukiulinnut tupanik nioqqutissanik tuniniaasoqaqqusaanngilaq. Soorluttaaq § 8, imm. 3, malillugu inuk 18-inik ukioqalersimanerminik pisariaqartumik uppersaateqarnersoq nioqquteqartup pisiniarfiullu tuniniaasup qulakkiissallugu akisussaaffigaat

ssutsimut allagartamik eqquassinikkut, pisiniap 18-it inorlugit sinnerlugilluunniit ukioqarnera nalileruminaatsillugu uppernarsaammik assitalimmik takutitsinissamik piumasaqaateqar-toqarsinnaalissaq.

3.6. Saqqummiussinissamut piffissaliussaq siunnersuutigineqartoq

Aalajangiiffigisassatut siunnersuutip Naalackersuisut pisussaaffilerpai nassuiaammik pineqartumik UKA2016-imi saqqummiusseqqullugit. Tamanna aalajangiiffigisassatut siunnersuutip UKA 2015-imi saqqummiussimaneqarnera eqqarsaatigalugu isiginiarneqassaaq.

Siullermeerinninnerli UPA 2016-imut kinguartinneqarmat, saqqummiussinissamut piffissa-liussap assinganik kinguartinneqarsinnaanera isumaliutigissallugu tunngavissaqarsinnaavoq, tamanna Naalackersuisut pisariaqartitsineq naapertorlugu piffissaqartikkumallugit.

Naalackersuisut allannguutissatut siunnersuutaannut tunngatillugu Inatsisinut Ataatsimiitita-liap maluginiarpaa, taanna piffissaliinermik imaqaangitsoq.

4. Inatsisinut Ataatsimiititaliap inassutaa

Ataatsimiititaliaq isumaqatigiittoq aalajangiiffigisassatut siunnersuummut tapersiivoq. Siunnersuulli saqqummiunneqarneraniit ukioq affaq qaangiummat aatsaat akuersissutigineqarmat Naalackersuisut nassuiaammik suliaqarnissaannut piffissaliunneqartoq assinganik sivitsorneqartariaqarpoq.

Taamaammatt ataatsimiititaliaq isumaqatigiittoq allannguutissatut siunnersuummik imaattumik saqqummiussivoq:

UPA2017-mi Naalackersuisut kalaallinut inuiaqatigiinnut attuumassuteqarnermut inatsisit malittarisassat pillugit nassuiaammik agguasseqqullugit qanorlu ataasiakkaarlutik tulluunnerannut nalilersueqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Nassuiaammi nalilerneqassaaq, innuttaasut pisortanut attaveqartarnerat oqilisarneqarsinnaanersoq kinaassutsimut uppernarsaat, nuna tamakkerlugu atuuttussaq atorneqalersuuppat.

Inatsisinut Ataatsimiititaliap taamatut oqaaseqarluni siunnersuut aappassaaniigassanngor-tippaa.

Anders Olsen
Siulittaasoq
Siumut

Laura Tàunâjik
Siumut

Michael Rosing
Demokraatit

Múte B Egede
Inuit Ataqatigiit

Iddimangiiu Bianco
Inuit Ataqatigiit